

HE PAKU KŌRERO MŌ TE PĪ

Nō mua noa atu ngā pī i te tangata i tēnei ao. Kua 150 miriona tau te pī e mahi miere ana. Noho ai ngā pī ki ngā kōhanga pī. ā, tata ki te 20 000 me te 80 000 ngā pī e noho tahi ana i ia pūrei.



Whakaahua: Lindenberg Gomes.

▲ Mā ngā kōhanga pī i hangaia e te tangata ka taea te tiaki ngā pī me te kōhi i ngā miere.

Ruingahae:

I te wā e inu ana ngā pī i te waihonga mai i ngā pua, kei te kohia anō ngā hae.

Ka kawea te hae i roto i tētahi kete hae ki te waewae o muri. I te wā e rere ana mai i tētahi pua ki tētahi pua, ka whakawhitia te hae kia taea ai te tipu o ngā huarākau.

Ki te kore te whakahaehae kua kore he huarākau hei kai mā tātau!



Whakaahua: Janey Newton.

◀ Ka kawea e ngā pī te hae i rō kete hae ki te waewae o muri.

Ko te pī huauri te pī nui rawa i roto i te kōhanga pī.



Whakaahua: Lindenberg Gomes.

Whakaahua: Wikimedia.



Me pēhea tō āwhina i ngā pī:

1. Whakatipuria ngā tipu pai mō ngā pī i ia wāhanga tau kia pai ai te whiwhi kai a ngā pī i ngā wā katoa o te tau. He pai katoa ki te pī ngā rohimere, harakeke me ngā putirā.
2. Me whakarato he wai pai mā ngā pī. Me rau ētahi kōhatu, rākau rānei ki te wai hei tūnga mō ngā pī.
3. Me pātai ki ō mātua kia kua e whakamahia ngā patukīrea i rō mōra ina pua ana ngā tipu.
4. Me kōrero atu ki ō mātua kia kua e tapahia ngā otaota mō tētahi wā kia pai ai te pua o ngā okara.



HE PĒHEA TE MAHI MIERE A NGĀ PĪ

Whakaahua: Peter Bray.



1

HE NGOTE I ĒTAHI WAIHONGA REKA

Kohikohi ai ngā pī mahi i te waihonga mai i ngā pua mā te ngote mai mā te ngutu pū pērā i tētahi ngongo. Ka rokirokitia te waihonga ki tētahi o ngā puku e rua ka whakahoki atu ki te kōhanga pī. Ka whakamōhio atu tētahi ki tētahi kei hea te waihonga mā te tīonioni (<https://youtu.be/LOZrNs22FAU>).

Ka tae ngā pī ki ngā pua 50-100 i ia rerenga mai i te kōhanga pī. Atu ki te rua kiromita te tawhiti o te rongo a ngā pihi i te waihonga, ā, atu ki te 24 kiromita i te haora te tere o te rere. Kia oti ai tētahi tiā mīere 500 karamu, me tae ngā pī ki ngā pua rua miriona. He rawe ki ngā pī me ngā pua kikorangi me te waiporoporo.



Whakaahua: Peter Burtelje.

bee
aware
month
APICULTURE

◀ He pai ake ki ngā pī ngā pua kikorangi me ngā waiporoporo.

2

ME TOHATOHA HAERE

Ka tohatohaina te waihonga mai i tētahi pī ki tētahi pī i roto i te kōhanga pī. Ka maoa i ngā pī te waihonga mā te horomi me te whakaruaki ki te waha o tētahi atu pī. I te tohanga mai i tētahi pī ki tētahi, ka wāwāhi ngā pūmua whākōkī me ngā pūmua i roto i te waihonga. Ka puta ko tētahi 'mīere' waiwai.

3

ME TATARI KIA TIKA RĀ ANŌ

Ka hōrapa i ngā pī te mīere i te aremīere i roto i te kōhanga pī ka whakahauhau mā ngā parihau hei whakaiti i te wai i roto. Kāore i te mōhiotia ka pēhea e mōhio ai ngā pī kua reri te mīere!

4

ME WHAKAMAU TE TAUPOKI

Ka rokirokitia te mīere ki ngā pūtau o te aremīere. Ina kī ngā pūtau i te mīere ka katia e ngā pī mā tētahi taupoke wākipī.

Whakaahua: Hamish Pulley.



Papakupu:

Kāhui punua: ngā punua pī

Pī toa: ko ngā pī toa ēnei e noho ana i rō kōhanga pī ka ai i te pī huauri. Tata ki te 10 ki te 15 ōrau ēnei o te kōhanga pī.

Waihonga: he wai huka i rō pua hei whakahau i te whakahaehae a ngā ngārara me ētahi atu kararehe, ka kohia e ngā pī hei mahi mīere.

Hae: he matū āhua puehu nei e whakarite kia whakatipu kākano ngā tipu.

Kete hae: te wāhanga o te waewae o muri o te pī e wahaina ai te hae.

Kairuingahae: he kararehe e kawea ana i te hae mai i te wāhanga toa o te pua ki te wāhanga uwaha o te pua

Ngutu: he rite ki te

ngongo roa, pīrahi kei te waha o te pī. Whakamahia ai ki te mahi waihonga.

Pī huauri: he pī uwaha e noho ana i te kōhanga pī ka whakawhānau hua. Kotahi anake te pī huauri ki ia kōhanga pī.

Pī mahi: he pī uwaha e kohikohi ana i te waihonga hei mahi mīere. E hia tini ngā pī mahi kei ia kōhanga pī.

Mahi aremīere wāki ▲
ngā pī i roto i te kōhanga hi hei rokiroki mīere. hae me ngā punua kāhui punua.